

Visoki predstavnik Inzko sastao se sa predsjednikom Suda BiH Debevcem



Visoki predstavnik Valentin Inzko danas je posjetio Sud Bosne i Hercegovine te se sastao sa novoimenovanim predsjednikom Suda Rankom Debevcem. Visoki predstavnik je izrazio punu podršku radu ove pravosudne institucije. On je također sudiji Debevcu poželio uspješan mandat na funkciji predsjednika Suda.

Naglasivši značaj vladavine prava, kao jednog od stubova demokratskog društva, visoki predstavnik je rekao: "Najbolji način da Bosna i Hercegovina krene putem reformi jeste da se pridržava vladavine prava i očuva nezavisnost pravosudnog sistema. Poštivanje sudova i njihovih odluka je nešto što vas stavlja na put evropskih vrijednosti. To je u potpunosti u skladu sa očekivanjima građana i nešto što međunarodna zajednica podržava".